

癸巳正月在杭州作

春陽動萬物，衆草皆已抽。嬰鳴亦和悅，我何獨懷憂。鯨鯢未  
菹醢，豺狼滿山丘。鳳凰竄荆棘，鳥鳶自相求。浮雲蔽蒼穹，天  
路阻且脩。風沙日暮起，鍛羽安所投。悲來怛中懷，泣涕縱橫  
流。

江城陰氣凝，積雨春淒涼。出門何所見，但見瓦礫場。新廬各  
有前，店舍亦已張。市人半荷戈，使客盡戎裝。回首舊遊地，慘  
淡寒烟黃。悵焉念所思，惻愴心中傷。

徘徊西湖上，愴恨有所思。所思不可見，涕淚下沾衣。死生一  
瞬息，逝者安可追。狼曠信君子，李陵非男兒。

鍛鐵當用椎，析薪當用斧。拔蓼而植荼，去辛還得苦。峨峨九  
陽門，衛以豹與虎。微微螻蟻忱，鬱鬱不得吐。

登卧龍山寫懷二十八韻

暮春時雨餘，原野皆秀色。流雲暖芳甸，惠風暢輕翼。公崇岡  
低垂崇岡，緬登陟。山川糾紛錯，疆畝互紆直。淒涼神禹穴，偏  
依句踐國。玉簡闕玄緘，銅牛啓雄德。霸氣浩江河，王風散荆  
棘。感今情軫鬱，懷古心愴惻。東溟尚波濤，中原未耕織。無能  
事蕭曹，妄意追契稷。蹇產龜屢遷，逶遲足猶側。良辰復幾何，  
白日忽中昃。周流睨圓方，俯仰觀動植。有水必趨東，無星不  
拱北。宗社固神靈，至尊實恭默。殷王伐鬼方，尚期三年克。苗